

(Նօսրազիւր Բ.)

44² յաշխարհ ա՛մի եղանակն առացե՛լ.

Ամենայն ազինք՝ ակնարկեալ ի յիս՝ աւաղ կարգա-
ցեք. բանիւ ցաւագին՝ բանին հօր ծնօղի՝ բերեալ
5 պաղատիմ. տ՛ր ող՞. տ՛ր ող՞. տ՛ր ող՞:

Գունդք անթիւ մեղաց՝ գանձեցի իսպառ՝ գործօղրս
չարեաց. Դատաստան արդար՝ դատաւորին Տ՛ն՝
զիս դատապարտե՛լ. տ՛ր ողոր՞:

Երկունք անիծից՝ երկանց դժոխոց՝ ետ ինձ գոյժ
10 մահու. զարհուրեալ լինիմ՝ զահի հարկանիմ. զի
հրով կիզանիմ. տ՛ր ողորմեան. տ՛ր ողորմեան:

Էակք ա՛մ է ձեզ միշտ արժան՝ Էրէրի՛ և ողբալ.
ըզմեղաց գործօղս՝ ըզչարեաց սիրօղս՝ ըզբարե՛ց
ատօղս. տ՛ր ողորմեան, տ՛ր ողորմեան:

15 Թաթաղուն աղմով՝ թարախեալ վիրօք՝ թոյլ յօժար
կամօք. ժահր թունից մեղաց՝ ժողովք չար ախ-
տից՝ ժամանեալ առ իս. տ՛ր ողորմեան, տ՛ր ՝:

Ի լուսոյն շաւղաց՝ ի վերին յարկաց՝ ի բաց հեռա-
ցայ. լաւ անուանեցայ՝ լցեալս մեղօք՝ լուծեալս
20 անգամօք. տ՛ր ողորմեան, տ՛ր ողորմեան:

Խորամանկ դիւին՝ խորհուրդքք թիւրին՝ խոր ինձ
փորեցին.

45... ծածուկ թակարթեն՝ ծանակեալ գլորմամբս՝
ծաղր առնեն զինև. տ՛ր ողորմեան՝:

25 Կամօք վայր հոսիմ՝ կարկամեալ սահիմ՝ կանգնիլ
չյօժարիմ. Հրձիգ բոցակէզ՝ հարաւ ի շինուածս՝
հրդեհեաց² համայն. տ՛ր ողորմեան, տ՛ր ող՞:

Չանձրուե՛ մարտին՝ ձեռնաձիգ ապտակ՝ ձաղկեաց
զիս ուժգին. ³ Դեղի դառնագոյն՝ ղօղեալ ի սրտիս՝
30 ղամբարս մթացաւ. տ՛ր ողորմեան. տ՛ր ՝:

¹ Զ. նիսպ. սգալ (սգալ և ողբալ), որը ջնջուելով ջմի տար-
բեր գրչից վրան գրուած Էրէրիլ. ըստ իս, սրբագրողը մոռացել է
ջնջել նաև եւ-ը, որով ներդաշնակութիւնն աւելի ևս խանգարուել է:

² Զ. հրդեհաց

³ Զ. ուժին.